



ERINDISBRÉF

Starfshópur um staðarval fyrir endurvinnslustöð í stað endurvinnslustöðvar við Dalveg

Ábyrgðaraðili:

Framkvæmdastjóri SORPU bs.

Inngangur:

Á fundi stjórnar SORPU bs. þann 5. desember 2023 var samþykkt að koma á fót starfshópi um staðarval fyrir endurvinnslustöð í stað endurvinnslustöðvarinnar við Dalveg, sem stendur til að loka 1. september 2024.

Hlutverk:

Hlutverk hópsins er að greina valkosti til að koma til móts við þörf íbúa á höfuðborgarsvæðinu, sérstaklega í Garðabæ og Kópavogi, fyrir aðgengi að endurvinnslustöð frá þeim tímapunkti sem endurvinnslustöðin við Dalveg lokar, í samræmi við verkefnalýsingu í hjálögðu minnisblaði, þar sem segir meðal annars:

Hlutverk starfshópsins verður að:

1. Fara yfir núverandi stöðu, draga saman mikilvægar upplýsingar um hlutverk Dalvegs og veitta þjónustu.
2. Greina þörf fyrir stærð og hlutverk nýrrar endurvinnslustöðvar.
3. Afla upplýsinga um mögulegar staðsetningar í sveitarfélögunum tveim og útfæra tillögur þess efnis.

Starfshópin skipa:

Hjördís Ýr Johnsen bæjarfulltrúi í Kópavogi, formaður hópsins

Björg Fenger bæjarfulltrúi í Garðabæ

Guðmundur Tryggvi Ólafsson, rekstrarstjóri endurvinnslustöðva SORPU

Starfsmenn:

Bryndís Skúladóttir, ráðgjafi hjá VSÓ ráðgjöf.

Starfsmenn Garðabæjar, Kópavogs og SORPU aðstoða starfshópin eftir því sem á við.

**Starfstímabil:**

Hópurinn skili og geri grein fyrir skýrslu 7. maí 2024 á fundi stjórnar SORPU. Hópurinn upplýsi framkvæmdastjóra og stjórn SORPU mánaðarlega, fyrst á fundi stjórnar í febrúar 2024, um framgang verkefnisins.

Reykjavík, 21. desember 2023

Jón Viggó Gunnarsson
framkvæmdastjóri SORPU bs.

Hjálagt:

Fundargerð 489. fundar stjórnar SORPU bs.

Minnisblað lagt fram á 489. fundi stjórnar SORPU bs.



FUNDARGERÐ 489. FUNDAR STJÓRNAR SORPU

Stjórnarfundur SORPU bs., kt. 510588-1189, þriðjudaginn 5. desember 2023. Fundurinn er settur klukkan 08:00. Fundurinn er staðfundur að Köllunarklettsvegi 1, 104 Reykjavík.

Fundarstjóri: Valdimar Víðisson, formaður stjórnar.

Fundarritari: Gunnar Dofri Ólafsson.

Sækja fund: Aldís Stefánsdóttir, Guðfinnur Sigurvinsson, Magnea Gná Jóhannsdóttir í fjarveru Árelíu Eyðísar Guðmundsdóttur, Orri Hlöðversson, Svana Helen Björnsdóttir, og Valdimar Víðisson.

Jón Viggó Gunnarsson framkvæmdastjóri, Gunnar Dofri Ólafsson, samskipta- og viðskiptaþróunarstjóri, og Sigríður Katrín Kristbjörnsdóttir fjármálastjóri, sækja staðfund.

Til fundarins hafði verið boðað með lögformlegum hætti í samræmi við starfsreglur stjórnar og er því fundurinn ákvörðunar- og ályktunarbær.

Tekið fyrir

1. Málefni endurvinnslustöðva – farið verður yfir verkefnatillögu vegna framtíðarskipan endurvinnslustöðva og verkefnatillögu vegna staðsetningar stöðvar í stað Dalveg

Guðmundur Tryggvi Ólafsson, rekstrarstjóri endurvinnslustöðva, og Karen Hulda Kristjánsdóttir, verkefnastjóri á endurvinnslustöðvum, taka sæti á fundinum. Guðmundur greinir frá vinnu ráðgjafa við staðarvalsgreiningu á endurvinnslustöðva á höfuðborgarsvæðinu, og verkefnalýsingu starfshóps um nýja staðsetningu í stað endurvinnslustöðvarinnar við Dalveg.

„Stjórn SORPU fagnar því að vinna við heildstæða stefnumótun fyrir endurvinnslustöðvar SORPU sé hafin. Stjórn leggur til að skipaður verði starfshópur, sem samanstendur af tæknimönnum sveitarfélaganna sex, sem þegar hafa með góðum árangri samræmt sorphirðu á höfuðborgarsvæðinu og komið á sersöfnun á matarleifum, undirbúið samræmda útfærslu á grenndarstöðvum, samþykktum fyrir sveitarfélögin í úrgangsmálum, og samræmingu á gjaldskrárgrunni fyrir gjöld sem snúa að meðhöndlun úrgangs. SORPA leggi hópnum til verkefnastjóra og starfshópur kynni framgang verkefnisins reglulega á stjórnarfundi, og skili lokaafurð 1. október 2024.

Stjórn felur framkvæmdastjóra að rita erindisbréf starfshópanna.“

Guðmundur og Karen víkja af fundi klukkan 08:37.

2. Innri endurskoðunaráætlun SORPU bs. kynnt

Guðfinnur Sigurvinsson tekur sæti á fundinum klukkan 08:40.

Jón Sigurðsson endurskoðandi PwC, og Sigrún Guðmundsdóttir, endurskoðandi í endurskoðunarnefnd SORPU, taka sæti á fundinum með fjarfundarbúnaði klukkan 08:40.

Gestir gera ráð fyrir innri endurskoðunaráætlun SORPU bs.

Gestir víkja af fundi klukkan 08:59.

Stjórn samþykkir framlagða innri endurskoðunaráætlun.



3. Pokar undir matarleifar – minnisblað frá tæknimönnum sveitarfélaga kynnt

Ísól Fanney Ómarsdóttir, verkefnastjóri hjá SORPU, tekur sæti á fundinum klukkan 09:00.

Ísól Fanney og Gunnar Dofri gera grein fyrir minnisblaði um áframhaldandi dreifingu á pokum undir matarleifar.

„Stjórn SORPU fagnar góðum árangri af nýju sorphirðukerfi. Árangur af því er framar vonum og ljóst að íbúar á höfuðborgarsvæðinu hafa tekið vel í nýtt kerfi. Til að tryggja áframhaldandi árangur í flokkun matarleifa er mikilvægt að halda áfram gjaldfrjálsri dreifingu bréfpoka til íbúa að sinni. Stjórn felur framkvæmdastjóra að tryggja að svo verði, og tryggja markvissa dreifingu bréfpoka til íbúa á starfssvæði SORPU.“

Ísól vísar af fundi klukkan 09:27.

4. Erindi frá áhættunefnd SORPU – kynning og samþykkt á stefnum SORPU bs.

Bergþór Guðmundsson, sérfræðingur í gæðastjórnun hjá SORPU, tekur sæti á fundinum klukkan 09:28.

Bergþór og Sigríður kynna samþykkt á stefnum SORPU er varða upplýsingaöryggi, innkaup, mannauðs- og launastefna, og öryggis- og heilbrigðisstefna.

Sigríður gerir grein fyrir áhættuskrá SORPU.

Stjórn samþykkir fram lagðar stefnur SORPU. Stjórn felur framkvæmdastjóra jafnframt að uppfæra skipurit SORPU þannig að áhættunefnd SORPU heyri beint undir stjórn.

Bergþór vísar af fundi klukkan 09:40.

5. Staða og horfur á útflutningi á blönduðum úrgangi til orkuvinnslu

Framkvæmdastjóri gerir grein fyrir útflutningi á blönduðum úrgangi til orkuvinnslu. Fyrstu baggar af blönduðum úrgangi voru settir í gám þann 1. desember síðastliðinn og verða fluttir út til orkuvinnslu þann 6. desember. Gert er ráð fyrir að útflutningur á blönduðum úrgangi til orkuvinnslu taki alfarið við af urðun í Álfsnesi um miðjan desember.

Stjórn fagnar því að útflutningur á blönduðum úrgangi sé hafinn, með tilheyrandi samdrætti í urðun í takt við nýjan viðauka við eigendasamkomulag SORPU.

6. Erindi frá Félagi atvinnurekenda

Framkvæmdastjóri gerir grein fyrir erindi frá framkvæmdastjóra Félags atvinnurekenda vegna hvatningar SORPU á svokölluðum svörtum föstudegi þann 24. nóvember síðastliðinn að staldra við og halda kaupum í lágmarki.

Málið er tekið til umræðu og framkvæmdastjóra falið að svara erindinu.

7. Áfrýjun á dómi Landsréttar í máli ÍAV og SORPU bs.

Framkvæmdastjóri gerir grein fyrir þeirri ákvörðun að fela lögmönnum SORPU í málinu að leita heimildar til áfrýjunar niðurstöðu Landsréttar til Hæstaréttar.



Næsti fundur

Næsti fundur er boðaður 19. desember klukkan 08:00.

Fleira var ekki gert og fundi slitið 10:08.



Til: Framkvæmdastjóra og stjórnar SORPU bs.

Frá: Guðmundi Tryggva Ólafssyni, rekstrarstjóra EVST

Efni: Starfshópur um staðarval fyrir nýja endurvinnslustöð í stað stöðvar á Dalvegi

Reykjavík, 4. desember 2023

Staðarval endurvinnslustöðvar í stað stöðvar við Dalveg

Samantekt:

- SORPA rekur á grundvelli samkomulags við sveitarfélögin á höfuðborgarsvæðinu frá árinu 2007, sex endurvinnslustöðvar. Ein þeirra er endurvinnslustöðin á Dalvegi í Kópavogi.
- Bæjaryfirvöld í Kópavogi vilja loka endurvinnslustöðinni á Dalvegi eigi síðar en 1. September 2024.
- Lagt er til að starfshópur verði settur á laggirnar við að finna framtíðarstaðsetningu endurvinnslustöðvar í landi Kópavogs og Garðabæjar í stað stöðvar á Dalvegi.
- Skoða skal nýja staðsetningu í samhengi við staðarval annarra endurvinnslustöðva en það er rekið sem sjálfstætt verkefni með þessari skörun þó.

Endurvinnslustöðvar sveitarfélaganna er liður í því að sveitarfélögin sinni skyldum sínum í samræmi við ákvæði laga nr. 55/2003 um meðhöndlun úrgangs með síðari breytingum.

Endurvinnslustöðin á Dalvegi hefur gegnt mikilvægu hlutverki sem aðstaða til móttöku flokkaðs og óflokkaðs úrgangs frá heimilum og minni rekstraraðilum í Kópavogi, Reykjavík og Garðabæ. Um er að ræða flokkun úrgangs lögum samkvæmt og flokkun af hagkvæmum ástæðum. Endurvinnslustöðin á Dalvegi er mikilvæg stöð þar sem hún hefur verið önnur stærsta stöðin á höfuðborgarsvæðinu um langan tíma, mælt í fjölda viðskiptavina og mótteknum kílóum.

Framundan eru breytingar á staðarvali annarra endurvinnslustöðva. Á tímabilinu 2024 og 2025 mun endurvinnslustöðin á Sævarhöfða loka og ný stöð verður á sama tíma tekin í gagníð á Lambhagavegi 14 í Reykjavík.

Vegna þessara breytinga er lagt til að stofnaður verði starfshópur skipaður eftirtöldum aðilum.

Kópavogsbær: Hjördís Ýr Johnson bæjarfulltrúi

Garðabær: Björg Fenger bæjarfulltrúi

SORPA: Guðmundur Tryggvi Ólafsson rekstarstjóri endurvinnslustöðva

Verkefnastjóri: Bryndís Skúladóttir VSÓ ráðgjöf.

Hlutverk starfshópsins verður að:

- Fara yfir núverandi stöðu, draga saman mikilvægar upplýsingar um hlutverk Dalvegs og veitta þjónustu.
- Greina þörf fyrir stærð og hlutverk nýrrar endurvinnslustöðvar,
- Afla upplýsinga um mögulegar staðsetningar í sveitarfélögunum tveim og útfæra tillögur þess efnis.

Verði verkefnislýsingin samþykkt á stjórnarfundi SORPU 5. desember 2023 skal starfshópurinn skila tillögu að staðsetningu nýrrar endurvinnslustöðvar í Kópavogi eða Garðabæ fyrir 1.apríl 2024.